

Newspaper	Utusan Melayu
Date	14/08/2017B

Jangan buat tuduhan - Khairy  
UM-14/8/2017 PS. 4

**SHAH ALAM 13 Ogos** - Ketua Pemuda UMNO Khairy Jamaluddin hari ini mengingatkan pemimpin-pemimpin Pakatan Harapan supaya tidak membuat tuduhan yang bukan-bukan kepada kerajaan berikutan kekecohan di Forum *Nothing To Hide* anjuran Armada Parti Pribumi Bersatu Malaysia (PPBM) di sini, hari ini.

Dalam Twitter miliknya, Khairy yang mengecam kejadian tersebut mengingatkan Timbalan Presiden PKR, Datuk Seri Mohamed Azmin Ali yang secara terbuka menuduh Perdana Menteri Datuk Seri Najib Tun Razak terlibat supaya menanti hasil siasatan polis.

"Saya mengecam apa yang berlaku, tetapi tunggu polis selesai menjalankan siasatan sebelum anda menuding jari," kata beliau.

Mohamed Azmin yang juga Menteri Besar Selangor dalam sa-

tu kenyataan, menuduh Perdana Menteri menggunakan gangsterime untuk menutup mulut Dr. Mahathir.

Dakwa beliau, Najib perlu bertanggungjawab sepenuhnya atas apa yang berlaku di Dewan Raja Muda Musa, Seksyen 7 itu.

Sementara itu, Ketua Armada PPBM, Syed Saddiq Syed Abdul Rahman pula mendakwa, serangan tersebut sengaja dirancang bagi mencetuskan kekecohan dengan sasaran serangan adalah Dr. Mahathir.

"Kesemua botol plastik, kasut, kerusi dan dua mercun suar dibaling adalah spesifik terhadap Mahathir. Setelah melakukan serangan, mereka kemudian lari dengan menanggalkan baju Armada PPBM tersebut dan kita percaya bahawa ini (serangan) ada elemen sabotaj," dakwanya.